


HARVARD COLLEGE LIBRARY
FROM THE
HARVARD - YENCHING
INSTITUTE
DEC 28 1929

7

7

T ~~Ch L~~ 9297.8244 ³²⁷

~~Ch L 9301.8244~~



錦繡萬花谷前集卷之十六

父子

侍寢問安

文王有疾武王不說冠帶而養文王一飯武王亦一飯文王再飯武王亦再飯文王爲世子朝于王季日三鷄初鳴而至寢門問內豎曰安否何如豎曰安文王喜及日中又至亦如之及暮又至其有不安內豎以告文王文王色憂

南山橋梓

伯禽與康叔見周公三見三筮之二子乃問商子商子曰南山之陽有木名橋南山之陰有木名梓何不往觀之二子往見橋木高而仰梓木實而俯還告商子商子曰橋者父道也梓者子道也

尚書大傳

曾子耘瓜

曾皙令曾子耘瓜誤傷其根曾皙怒擊其首

哈佛大學哈佛葉宗圖書館珍藏印

曾子什地有頃乃蘇孔子聞之謂弟子曰參來勿內也
昔瞽瞍有子曰舜瞽瞍使之未嘗不往欲殺之未嘗可
得小杖則受大杖則逃不陷父於不義也 家語

膝上王文度晉王述字懷祖子坦之字文度為桓溫長
史溫欲為子求婚於述坦之還家省父而述愛坦之雖
長大猶置膝上坦之因言溫意述大怒遂排下曰汝竟
癡耶 述傳

老萊兒啼老萊子事二親行年七十作嬰孩自娛著五
色綵衣取漿上堂跌仆因臥地為小兒啼 列女傳

炊飯成麩陳太丘有子元方季方有客詣太丘談鋒甚
敵太丘令二子炊飯延客二子委甌竊聽客語飯落釜
成麩而進客去太丘責之二子言其故且誦客語無遺

太丘曰但糜自可何必飯 南史

循陔束皙補亡詩曰南陔孝子相戒以養也循彼南陔
言採其蘭眷戀庭闈心不遑安 選詩

風月景山水謝莊生五子颺肫顓崧淪謂莊名子以風
月景山水 南史

義之生五子王羲之有子七人其知名者五人曰玄之
凝之徽之操之獻之子孟郊詩曰羲之生五子羲之又有
之

踐霜挽車伯奇尹吉甫之子吉甫惑於後妻虐伯奇無
衣無履而使踐霜挽車伯奇順父之令不敢有辭

發假收嚴唐楊惟直名四子發假收嚴以春為義假以
夏為義收以秋為義嚴以冬為義收大拜發至丞郎

阿戎王渾子戎幼爽阮籍謂渾曰戎清爽非卿倫也與

卿言不如與阿戎談 晉書

屏風隔坐吳紀亮為尚書令子隲為中書令每朝會詔

以御屏風隔坐

犢子破車石季龍少時數彈人石勒白母欲殺之母曰

快牛為犢子時多能破車汝當小忍之勒乃止 晉書載記

睡不聽父言漢陳萬年咸數言事譏刺近臣萬年病召

咸戒牀下語至半夜咸睡頭觸屏風萬年大怒曰乃公

教戒汝汝反不聽吾言何也咸曰且曉所言大要教咸

諂也萬年乃不復言 咸傳

過五男十日飲漢陸賈有五男賣橐中金分其子二百

金令為生產賈常乘安車侍者十餘寶劍直百金謂其

子曰與汝約過汝汝給人馬酒食十日更所死之家得

劍 賈傳

雙珠出老蚌韋康元將弟誕仲將孔融與其父書曰前

日元將來淵才亮茂雅度弘毅偉世之器也昨日仲將

來文敏篤誠保家之主也不意雙珠近出老蚌 後漢

父子骨滲血梁武帝第二子綜封豫章王初母吳淑媛

在齊東昏侯宮及幸武帝七月而生綜宮中多疑之及

綜年十四常夢一少年肥壯自挈其首對綜非一問母

母問夢中形狀類東昏因密報之勿泄綜遂於別室祠

齋廟然猶無以自信聞俗說以生者血瀝死者骨滲即

為父子綜私發東昏墓出其骨瀝血試之既驗在西州

生次男月餘潛殺之既瘞發其骨又試之 南史

父齒滲子血 唐王少玄父死兵遺腹生十歲問父所在
母以告卽哀泣求尸時野中白骨覆壓或曰以子血漬
而滲者父齒也少玄鑿膚閱旬而獲 本傳

好消息惡消息 唐崔玄暉爲軍校員外郎母盧氏戒之
曰吾見辛亥馭云兒子從官者聞有人來云貧乏不能
自存此是好消息吾聞貲貨充足衣馬輕肥此是惡消
息吾重此言汝今坐食俸祿若不能忠清何以戴天履
地特加修潔勿累吾此意也 職官分紀

盜酒不拜 孔文舉有二子大十歲小五歲晝日父眠小
者牀頭盜酒飲之大兒謂曰何以不拜小者答曰偷何
行禮此言小而善言語也 世說

添丁 盧仝生子名曰添丁欲爲國持役也

見白雲思親 唐狄仁傑授并州司法叅軍親在河陽仁
傑登泰山反顧見白雲孤飛謂左右曰吾親舍其下顧
望父之雲移乃去

九子母丈夫 本傳 錢穆父生九子東坡以九子母丈夫目之

同桓傳 王荆公及子雱同修經義經成加荆公左僕射
雱龍圖直學士同日受命元絳賀詩曰陳前輿服同桓
傳拜後金珠有魯公 東軒筆錄

三子列侍 陳省華蜀人三子堯叟堯佐堯咨皆進士及
第而伯仲爲天下第一晚年與燕國夫人馮氏俱康寧
堯叟知樞密院次子直史館少子知制誥每對客三子
列侍客不自安省華曰學生列侍常也士夫以爲榮 澠水

宰相侍立本朝王溥拜相年三十二其父祚累遷防禦使每見客溥常朝服侍立客不安求去祚曰學生勞賢者起避耶廬陵歸田錄

手植三槐于庭王晉公祐太祖朝為知制誥使魏州

太祖曰使還與卿王溥官職時王溥為相也使還帝怒安置華州七年不召初祐赴貶時親朋送祐曰意公作王溥官職矣祐笑曰某不做兒子二郎必做二郎者文正公旦也祐手植三槐于庭曰吾子孫必有為三公者已而果然天下謂之三槐王氏邵氏錄

索杖欲撻韓忠獻公億教子嚴肅知亳州第二子舍人自京西倅謁告省觀康公與右相及姪宗彥皆中甲科

歸公喜置酒召僚屬之親厚者俾諸子坐於隅惟持國多深思知必有義方之訓托疾不赴坐中忽云二郎吾聞西京有疑獄奏讞者其詳云何舍人思之未得已訶之再問未能對遂推案索杖大罵曰汝食朝廷爵祿倅貳一府事無巨細皆當究心大辟奏案尚不能記則細務可知必欲撻之眾賓力解方已諸子股栗家法之嚴如此所以多賢子孫也蘇氏談訓

郎罷回閩人呼子為回謂父為郎罷顧况有詩述之青

箱雜記故山谷有詩送秦觀少章從東坡學云斑衣兒啼真自樂從師學道也不惡但得新年勝舊年即如常在郎罷前黃集

賢愚繫於汝邵堯夫四十餘始娶生男有詩曰我今行

年四十五生男方始為人父鞠育教誨誠在我壽天賢
愚繫於汝我若壽年七十歲眼前見汝二十五我欲願
汝成大賢未知天意肯從否聞見錄

八龍國朝韓億忠獻公八子曰綱綜絳繹緯續維縵多
為聞人絳續皆為宰相維為門下侍郎以比荀氏八龍

黃詩注

命唐介一日自政府歸語諸子曰吾備位政府
知無不言桃李固未嘗與汝等栽培而荆棘則甚多矣
然汝等窮達莫不有命惟自勉而已湘山錄

子鳴蟬賦予起作賦草他兒一視而過獨小子集守之
不去此兒必能為吾此賦因以予之歐集集字叔弼

長頭峙王東坡中子迨生三年不能行請辯才師為落

髮摩頂祝之不數日能行坡有詩云我有長頭兒角頰
峙犀王四歲不知行抱負煩背腹師來為摩頂起走趨
奔鹿

虎兒詩蘇子由巳卯生坡嘗號為卯君生子名虎兒坡
有詩云舊聞老蚌生明珠未省老兔生於菟老兔自謂
月中物不騎快馬騎蟾蜍蟾蜍爬沙不肯行坐令青衫
垂白鬚於菟駿猛不類渠指揮黃熊駕黑羆丹沙紫麝
不用塗眼前百步走妖狐妖狐莫誇智有餘不勞搖牙
咀爾徒

母子

啓母化為石禹治水通轅轅山化為熊謂塗山氏女曰
欲餉必聞鼓聲乃來禹排石誤中鼓塗山氏往見禹方

作熊慙而去至嵩山下化為石方孕啓禹曰歸我子石破北方而啓生武帝紀注

伊尹母化為枯桑伊尹母方孕行汲化為枯桑其夫尋

至水濱見桑穴中有兒乃收養之尚書大傳

搯臂呼參曾參出薪于野有客至其家欲去其母曰願

留參方到即以左手搯右臂臂痛參即馳至問母曰臂

何故痛母曰今者客至搯吾臂呼汝耳論衡

三金曾子再仕而心再化曰吾及親仕三金而心樂後

仕三千鍾而不汨吾心悲莊子

斷機孟軻母三徙既居孟子學而歸母問學所至孟子

自若也孟母以刀斷機曰子之廢學若吾斷機孟子懼

勤學不息遂成名儒

倚門王孫賈之母

謂賈曰汝朝出而晚來則吾倚門而

望汝暮出而夜還則吾倚廬而望

戰國策

織屨漢翟方進年十二三失父為太守府小吏因病歸

家辭其後母欲西至京師授經母憐其幼隨至長安織

屨以給方進後十餘年至宰相母尚在

分椹後漢蔡順當王莽末大荒順拾椹以異器盛之赤

眉賊見而問之順曰黑者奉母赤者自食賊知其孝乃

遺米肉放之本傳

桑門遺瓜滕曇恭年五歲母患熱病思食寒瓜土俗不

產曇恭歷訪而不得俄遇一桑門曰我有雙瓜分一相

遺舉室驚異南史本傳

遺蒲萄陳叔達為納言嘗賜食得蒲萄不舉高祖問之

對曰臣母病渴嘗求不能致願歸奉之帝曰卿有母遺乎因賜之本傳

和熊膽丸以助子勤柳仲郢幼嗜學母嘗和熊膽丸使夜咀嚙以助子勤唐本傳

識杜黃裳潘孟陽母劉晏女常問末坐有綠衣少年何人曰補闕杜黃裳夫人曰此人覺全別必是貴人後為相南齊書

鼓吹震耀洛濱晉汝南王亮母伏太妃常有小疾被於洛水亮兄弟三人侍從並持節鼓吹震耀洛濱武帝登凌雲臺望見曰伏妃可謂富貴矣

擁笏垂魚唐曹成王臯為刺史遭誣在治念其母太妃老將驚而戚出則囚服就辨入則擁笏垂魚退之曹王碑

畫像金日磾母死武帝詔圖其形於甘泉宮日磾養馬苑中每牽馬過見遺像輒拜

水飭南史蕭叡明母病風積年叡明晝夜祈禱時寒叡明下淚為之冰如筋額上叩頭血亦冰不溜後其母遂安孝義集

當歸遠志姜維天水人既歸蜀得母書令求當歸維曰但有遠志不在當歸本傳

刻母形丁蘭少喪父母不及養乃刻木為親形事之若生隣人張叔妻從蘭妻有所借蘭妻跪報木人木人不悅不以借之叔醉罵木人以杖敲其頭蘭歸奮殺張叔郡縣嘉其孝遂上之圖形於靈臺孫盛逸士傳

社日悲慟魏王脩年七歲母社日死脩每至社日悲慟

鄰里爲之輟社

拔刀逐賊僕固懷恩父子平史朝義舉河朔若拾遺護回紇歸國過太原爲平雲京所拒閉關不犒軍大怒頓軍汾州遣子瑒攻雲京偏將焦暉等斬瑒首獻闕下懷恩聞以告母母曰我戒汝勿反國家訓汝不淺今衆變禍且及我提刀逐之曰吾爲國殺此賊取其心以令軍中懷恩走以部曲三百走靈州詔輦其母歸京師贊曰其母拔刀逐賊烈婦人哉

奉檄而喜毛義家貧養親張奉慕其名詣義會府檄至以義爲守令義捧檄入喜動顏色奉心賤之及義母死舉賢良方正不就奉嘆曰往日之喜爲親也 本傳

寄物瓶中曹公令路粹枉狀奏孔融與布衣襦衡放言

云父之有子當有何親論其本意實爲情欲發耳子之於母亦復奚爲譬寄物瓶中出則離矣 後孔融傳

非此母不生此子陶侃母湛氏新塗人初侃父丹聘爲妾生侃陶氏貧賤母紡績資之番陽孝廉范逵寓宿於侃時大雪湛氏乃徹所臥新薦自剉給其馬又密截髻供饌逵嘆曰非此母不生此子侃竟以功名顯 晉列女傳

母有疾輒病唐張志寬嘗詣縣忽稱母疾求急歸令問狀答曰母有疾志寬輒病令疑妄繫於獄馳驗如言

執屨辭禪晉韓伯數歲大寒母方爲作襦令伯提屨斗而謂之曰且著襦尋當作複禪伯曰不須母問故曰火在斗中而柄熱今旣著下亦當煖 本傳

百官回班候起居唐趙隱輔政他宰相及百官皆詣第

陞堂慶母懿宗誕日宴慈恩寺隱侍母以安輿臨觀宰
相率百官拜恩於庭回班候夫人起居縉紳以為榮職

紀分

噬指悟子

蔡順採薪於野有客卒至母望順不還噬其

指順即心動棄薪馳歸母曰有客來吾噬指以悟汝耳

喜錄囚平反

漢雋不疑為京兆尹行縣錄囚還其母輒

問有所平反活幾何人即多有所平反母喜笑為飲食
異於他時或無所出母怒為不食故不疑為吏嚴而不

殘本傳

掃墓地

嚴延年治河南酷刑號屠伯母數責延年天地

神明人不可獨殺我不意當老見壯子被刑戮也行矣
去汝東歸掃墓地耳遂歸後歲餘果弃市東海莫不賢

智其母延年兄弟五人皆至太后母號萬石嚴媼

那得生寧馨兒

宋廢帝子叢性凶悖其母疾篤召之帝

曰病人多鬼那可往其母怒謂付臣將刀來破我腹那
得生此寧馨兒南史本傳

秤槌中足

寇萊公少時不修小節頗愛飛鷹走犬太夫

人性嚴每不勝怒舉秤槌投之中足流血由是折節從
學及貴母已亡每捫其瘡痕輒哭訖聞

剪髮

杜甫詩送王砮音砮砮是王珪之後云家貧無供給

客位但箕帚俄頃羞顏珍寂寥人散後入怪鬢髮空吁
嗟為之久自陳剪髮髮帝易充沽酒上云天下亂宜與

英俊厚秦王時在坐真氣驚戶編補及乎正觀初尚書踐

台斗此稱珪母之賢

兩清詩話

杖碎金魚陳康叔善射號小由基及守荆南回其母馮夫人問汝典郡有何異政堯咨云每以弓矢為樂母曰汝父教以忠孝輔國家今汝不務行仁化而專務一夫之勇豈汝父之志耶杖之碎其金魚

刺血寫經求母朱壽昌少不知母所在刺血寫經求之五十年後得之蜀中東坡賀之以詩云嗟君七歲知念母憐君壯大心愈苦美君臨老得相逢喜極無言淚如雨烹龍為炙玉為酒鶴髮初生千萬壽金花詔書錦作囊白藤肩輿簾蹙繡感君離合傷我魂此事今無古未聞長陵謁來見大姊仲孺豈意逢將軍開皇苦桃空記面建中天子終不見西河太守誰復譏潁谷封人羞自薦

坡集

子孝婦義真宗朝有士人其母死乃號慟抱母屍而死其妻見夫死乃抱夫屍而哭亦就死曰此家人子死於孝婦死於義也

金花誥官誥院敕郡夫人使金花羅紙七張錦縹袋賜以湯沐邑乃奉親之榮也

春明退朝錄

兄弟

花萼相輝樓睿宗五子玄宗為季子製大衾長枕與諸

王共之後於宮南造花萼相輝之樓時時登之必召諸王登樓賦詩世謂天子友悌無比有鶴鴿千數集麟德殿柱帝嘗賜憲等書曰魏文帝詩曰西山一何高高高殊無極上有兩仙童不飲亦不食賜我一丸藥光輝有五色服之四五日身體生羽翼朕每言寧如兄弟天生

羽翼乎陳思王才足以經國家絕其朝謁卒以憂魏祚未終司馬氏奪之豈神九效耶明皇傳

花萼集李義山與兄弟俱以文章自名同為一集號李氏花萼集

酥醞乳酪穆贊兄弟皆和粹世以珍味目之贊少信然有格為酪質美而多文為酥真為醞醐賞為乳腐

雙與唐張越石楚金同舉有以兄弟不可兩收欲俱退李勣嘆曰貢舉本求才行何妨雙與乾膳子

聯珠集竇羣與兄常牟弟庠鞏兄弟五人皆為郎工詞章義取五星然故為聯珠集行於世本傳

白眉馬良兄弟五人並有才名鄉里諺曰馬氏五常白眉最長長眉中有白毫故云蜀士

三株樹唐王勃與兄勳勳皆著才名故杜易簡稱三株樹

紫荆花京兆田真兄弟三人欲分庭前紫荆花破而為三明日枯死真曰是人不如木也兄弟相感復合荆亦

茂陸機詩云三荆歡同株又古詩三荆同根生續齊諧記

蜀龍吳虎諸葛瑾仕吳諸葛亮仕蜀從弟誕仕魏後以兵反見誅世人謂蜀得龍吳得虎魏得狗世說

難兄難弟漢陳元方子長父即陳羣也與季方子孝先各論其父功德爭之不決諮於陳太丘太丘曰元方難其兄季方難其弟世說

難兄晉王珉小字僧彌少有才藝名出珣右語曰法護非不嘉僧彌難為兄法護珣小字晉本傳

非不嘉僧彌難為兄法護珣小字晉本傳

人琴俱亡 王徽之與獻之俱病術人曰應終而有生人樂代則死者可生徽之曰吾才不如弟請代術人曰君今與弟筭俱盡何可代獻之卒徽之奔喪直取獻之琴鼓之久而不調曰子敬人琴俱亡因一慟而卒

夾河為郡 漢杜周為廷史久任事列三公兩子夾河為郡守 本傳

少言佳客 王子敬獻之與兄徽之操之俱詣謝安二兄多言俗事獻之寒溫而已既而客問王氏兄弟優劣安曰少者佳客問其故安曰吉人之辭寡以其少言故知之

封胡竭末 晉謝氏尤彥秀者稱封胡竭末封謂謝韶胡謂謝朗竭謂謝玄末謂謝川皆其小字也韶朗川皆早

卒惟玄以功名終

太祖娣 太祖將北征自京師歸民間謔言當立點檢為天子太祖聞之懼密以告家人太祖娣魏國長公主方在厨引麩杖逐太祖曰大丈夫臨大事可否當決胃懷乃來怖婦女太祖默然出 涑水記聞

四鳥之悲 孔子聞婦人哭聲謂顏淵曰此非獨哀又有離別之聲何以知之曰昔恒山有鳥生四子羽翼既成將分飛聲類於此問之果然父死賣子以葬 六帖

灑血 陳業兄渡海同死六十人骨肉消爛而不可別業乃割臂流血灑骨上而後別也

連壁分鼎 東坡子由孔文仲經甫武仲常甫平仲毅甫俱以才名播天下魯直有詩云二蘇上連壁三孔分立

鼎天下墜斯文俱來集臺省

形貌相類張伯偕仲偕兄弟形貌相類仲偕妻新粧鏡

中忽見伯偕問曰今日新粧飾好否伯偕不顧仲偕妻
慚久伯偕復過仲偕妻復呼之曰向誤認伯偕是卿伯
偕又不顧仲偕妻始慚俱誤

友于世謂友弟謂友于朱浮蹠血友于杜甫詩云山鳥
山花皆友于皆歇後語也 洪駒父詩話

爭死後漢時趙孝宗弟孝禮被賊捉去欲殺而食之孝
宗聞之走見賊曰孝禮不如孝宗肥願代弟死賊相謂
曰此義士也遂並放之 孝義傳

子孫叔姪

霍氏表張氏與張安世子千秋與霍光子禹俱為中郎

將隨度遼將軍范明友擊烏桓還謁大將軍光光問戰
鬪山川形勢千秋口對兵事手畫地成圖無所忘失復
問禹禹不能記曰皆有文書光由是賞千秋而以禹為
不才嘆曰霍氏衰張氏興矣

一夜十起第五倫或問倫曰有私乎曰余兄子嘗病一
夜乃十起退而安寢余子有病雖不省視而通夕不寐

本傳

紫羅囊謝玄嘗佩紫羅香囊叔安惡之而不欲傷其意
因戲賭得乃焚之 本傳

買德郎桓温弟冲小字買德郎初温兄弟並少家貧母
患需羊以解温乃以冲為質羊主言不欲為質幸為養
買德郎 本傳

烏衣郎晉宋時江左謂王謝子弟為烏衣諸郎 坡詩注

碧梧鸞鵠瑤環瑜珉退之云余在京師不能自存拜北

平王於馬前王憐之賜食與衣召二子使為之主其季

遇我厚姆抱幼子立側肌肉玉雪可憐當是時見北平

王如龍虎變化不測見少傅翠竹碧梧鸞鵠停峙幼子

娟好靜秀瑤環瑜珉蘭茁其芽北平王馬燧也少傅燧

子暢也幼子燧之孫即少監也

未嘗教子孫學問王敬弘歲中見兒孫不過一再見見

輒刻日未嘗教子孫學問多隨所欲或問之答曰丹朱

不應乏教密越不聞被箠 南史

阿買韓退之詩阿買不識字頗知書八分詩成使之寫

亦足張吾軍或問黃魯直阿買是退之何人魯直曰退

之姪必有據也 坡注

仲容賢嗣宗諸子姪早覺仲容賢仲容乃阮咸字籍之

姪也 杜詩

鳩車竹馬小兒五歲曰鳩車之戲七歲曰竹馬之戲 博物志

薦延等相呂蒙正居洛真宗祀汾陰過洛幸蒙正宅問

曰卿諸子孰可用對曰臣諸子皆豚犬不足用有姪夷

簡任潁州推官宰相才也帝記其語遂至大用文靖公

也 邵氏聞見錄

璠璣經緯翰林學士彭乘不訓子弟范宗翰上啓責之

曰王氏之子琪珪玘璿器盡璠璣韓氏之宗綜絳緝維

才皆經緯非蔭而得由學而然謂王氏皆以玉名韓氏

皆以絲名天下衣冠子弟取高科者唯王韓為盛名臣傳
梁羅蘇子由子遲迨遠子瞻有詩云獨携三子出古刹
訪禪師高談付梁羅詩律對阿虎梁羅遲小字阿虎即
虎兒小字也坡集

硤硤頭玉東坡賀子由生孫云朋來四男子大壯泰臨
復無官一身輕有子萬事足舉家傳吉夢殊相驚凡目
爛爛開眼電硤硤峙頭玉 李賀詩頭玉硤硤眉刷翠
杜郎生得真男子

夫婦

射雉始笑叔向曰昔賈大夫惡娶妻而美三年不言不
笑御以如臯射雉獲之其妻始笑而言左傳
虞謖歌百里奚仕秦其妻歌曰百里奚五羊皮憶別時

烹伏雌炊麩屨今日富貴忘我為

白頭吟司馬相如將聘茂陵女子為妻文君作白頭吟
凄凄重凄凄嫁娶不須啼願得一心人白頭不相離相
如感之乃止西京雜記

娶罵已者人有挑其隣之妻者其長者罵之其少者報
之後其夫死而娶其長者或曰夫非罵爾者耶曰在人
欲其報我在我欲其罵人後馮衍傳

三同馮衍字敬通其妻極悍劉孝標云予與敬通三同
不遇一同也剛直二同也馮有忌妻自操井曰予亦有
忌妻家道坎軻三同也劉孝標傳

以粉書扇後漢陰喻妻荀爽女名采早寡父母強嫁與
郭奕爽以詐疾召采采歸而懷白刃爽執奪不得已到

郭氏偽爲歡建四燈以共談奕敬憚之及曙奕出采叱左右辦浴既入室以粉書扇曰屍還陰氏字未成恐人來乃以衣帶自縊死

卿卿晉王渾妻鍾氏常卿渾渾曰詎可爾妻曰憐卿愛卿是以卿卿我不卿卿誰當卿卿世說

飲瓊搗霜裴航遇雲翹夫人與詩云一飲瓊漿百感生玄霜搗盡見雲英藍橋便是神仙窟何必區區上玉京後經過藍橋渴過一舍有老嫗揖之求漿嫗令雲英擎一甌漿飲之卽美女也航欲娶雲英嫗曰但得玉杵玉曰當與之後航得杵曰爲搗藥乃得娶遂得仙也傳奇

不對梳沐宋劉穆之貧往妻兄家乞食多見辱不以爲耻其妻江氏每禁不令往穆之猶往食畢求檳榔江氏

兄弟戲曰檳榔消食君何需此妻復截髮市肴饌爲其兄弟以餉穆之自此不對穆之梳沐及穆之爲丹陽尹召妻兄弟飲至醉以金拌貯檳榔一斛進之本傳

感孤燕南史衛敬瑜妻年十六而夫亡父母舅姑欲嫁之乃截耳爲誓不許戶有巢燕常雙飛後忽孤飛女感其偏栖乃以縷繫脚爲誌後歲此燕果復來猶帶前縷女爲詩曰昔年無偶去今春又獨歸故人恩意重不忍更雙飛張景仁傳

黃鵠歌烈女陶嬰夫死守義作黃鵠歌曰黃鵠早寡子七年不雙飛宛頸獨宿子想其故雄其命早寡子獨宿何傷念此寡婦子泣下數行死不忘子鳥將然雖有賢雄子終不重行魯人聞之遂不復求列女傳

續石書堂

卷之六

箱上蠶機上絲王肅在江南聘謝氏女為妻及至京師復尚公主其後謝氏為尼亦來奔肅作詩贈肅曰本為箱上蠶今作機上絲得絡逐勝去頗憶纏綿時公主代肅謝曰針是貫紳物目中常絀絲得帛縫新去何能衲故時肅甚恨遂造正覺寺懺之伽藍記

寫真寄詩南楚才旅遊似無返舊之意其妻薛媛微知其意乃對鏡自圖其形并詩以寄之詩曰欲下丹青筆先拈寶鏡端已驚顏索寞漸覺鬢凋殘淚眼描來易愁腸寫出難恐君渾忘却時展畫圖看楚才遂歸如初雲溪

友議

妻復還嚴灌夫娶慎氏十年無嗣乃出之妻乃為詩以刺曰當時心事已相關雨散雲收一餉間便是孤帆

從此去不堪重過望夫山遂如初

夢歸見寫詩有書生娶後遊大學久不歸一夕夢返其家見妻秉筆寫詩云數日相望極須知意思迷夢魂不怕險飛過大江西書生怪而記之後家書至妻有詩一首如夢中所見無殊夢之夕乃發書之日

畫佛唐武侍御喪其配斂其遺服櫛珥輦悅于亡月旦十五日出陳之抱嬰兒以泣有浮屠者諭之曰是豈有益耶吾師云人死則為鬼鬼且復為人隨所積善惡受報環復不窮也西方有佛焉其十大樂能圖是佛而禮之往生莫不如意韓愈聞而弔之曰圖西方子道之勤以妄塞悲子慰新魂韓弔武侍御畫佛文

無雙唐劉震之女幼時許其甥王仙客未成婚會朱泚

之亂震夫妻死無雙沒入掖庭仙客後二年入京遇舊
蒼頭塞鴻又得無雙婢採蘋與居後為縣尉至長安驛
忽有中使押內家三十人往元陵灑掃塞鴻烹茗於簾
外夜深忽聞簾下語曰塞鴻郎健否明日我去後閤子
中取書送郎書後云常見敕使說富平縣古押衙有心
人今能求之否後仙客尋古押衙結以寶玉半歲古押
衙求茅山道士藥令採蘋假作中使賜無雙自盡立死
三日活以親屬贖屍以與仙客救療得愈押衙自盡仙
客與無雙易姓名偕老襄鄧間 太平廣記

繡龜形詩唐會昌中有邊將張揆防邊近十年其妻侯
氏繡回文作龜形詩詣闕進曰睽離已是十年強對鏡
那堪更理粧聞鴈幾回修尺素見霜先為製衣裳開箱

錦繡萬花谷前集卷之十七

妓妾

樊通德漢伶玄之妾樊通德趙飛燕女史也能道趙飛
燕姊妹事伶玄曰其人俱灰滅矣疲精神馳嗜慾寧知
終歸荒田野草乎通德掩袖視燭影以手擁髻淒然泣
下伶玄因作飛燕外傳

友通期後梁商美人友通期獻於順帝通期有過帝以
歸商商出嫁之商子翼遣客盜還友通期生子伯玉 翼傳

翔風石季綸有愛婢曰翔風能別五聲以文顯名年三
十石崇乃退為房老翔風怨而作詩云春華誰不美卒
傷秋落時坐見芳時歇憔悴空自嗤 王子年拾遺

絡秀周顛母李氏字絡秀初顛父俊為將軍出獵遇雨

止李氏父兄不在絡秀與婢於內宰羊具饌不聞人聲
俊窺之見一女甚美因求為妾父兄不許絡秀曰門戶
殄瘁何惜一女遂與之生顛三子

綠珠嶺表錄異曰昔梁氏女有容貌石季綸為交趾探
訪使以真珠三斛買之即綠珠也善吹笛孫琇使人求
之崇曰綠珠吾愛妾不可得也琇竟誅崇來訪綠珠綠
珠聞之墜樓死本傳

染髮媚側室何長瑜以韻語序僚佐云陸展染白髮欲
以媚側室青青不解父星星行復出謝靈運傳

玉簫韋臯少遊江夏姜史君之館有小青衣曰玉簫年
七歲常令侍臯年長有情韋去與玉簫約曰後七年再
來玉簫遺以白玉指環并詩曰黃雀嚙來已數春別時

留解贈佳人長江不見魚書至為遣相思夢入秦逾八
年韋不至玉簫絕食而殞後十年韋理蜀不替因作生
日東川盧八坐中送一歌姬來未滿破瓜亦以玉簫為
號觀之乃真玉簫也雲溪友議

雪兒雪兒李密之愛姬善歌每見賓僚文章中意者即
付雪兒歌之故韓定云盛德好將銀管述麗詞堪付雪
兒歌百斛明珠

阿軟元微之到通州見壁間有詩落句云綠水紅蓮一
朶開千花萬草無顏色不知何人題也錄此詞寄樂天
乃樂天十五年前及第時贈長安妓阿軟絕句故白詩
云十五年前似夢遊曾將詩句結風流偶助笑歌嘲阿
軟那知傳誦到通州

紅兒 鄜州李孝恭籍中有紅兒善肉聲羅虬挑之不答遂作絕句百篇號比紅兒詩

酥香 唐杜祕書工於小詞鄰翁有女小字酥香凡才人所為歌曲悉能諷之一夕踰墻而至杜始望不及此鄰翁失女所在後半年僕有過杜笞之竄而聞官杜流河朔臨行述永遇樂一詞決別女持紙三唱而死並白樂天集

樊素小蠻 白樂天有二妾樊素善歌小蠻善舞嘗有詩曰櫻桃樊素口楊柳小蠻腰二妾既長又有詩云一樹春風萬萬枝嫩於金色軟於絲後二妾各去有詩云病與樂天相伴住春隨樊素一時歸古今詩話

薛瑤英 唐元載寵婢薛瑤英楊炎贈歌曰雪面淡娥天上女鳳簫鸞翅欲飛去玉釵翹翠步無塵楚腰如柳不

勝春 雞距集

燕子樓 唐張建封牧徐州有愛妓盼盼建封沒盼盼不嫁居燕子樓十餘年白樂天作燕子樓詩有云醉嬌無勢力風裊牡丹花

穠李昭華 王晉卿有二女奴名穠李昭華黃魯直改竹夫人為青奴有詩云穠李四絃風拂席昭華三弄月侵牀我無紅袖堪娛夜正要青奴一味涼山谷

絳桃柳枝 韓退之二妾一曰絳桃二曰柳枝退之使山東有詩云東風欲動別長安春半邊城特地寒不見園花并巷柳馬頭唯有月團團柳枝後踰園遁去有詩曰別來楊柳塔頭樹擺亂春風只欲飛還有小園桃李在留花不發待郎歸語林

鶯鶯唐貞元中張生與崔氏女小字鶯鶯往來後棄之鶯鶯已委身於人張亦娶適經其所求見不得崔知之潛賦一章曰一從消瘦減容光萬轉千回懶下牀不爲旁人羞不起爲郎憔悴却羞郎竟不見元稹爲作鶯鶯歌

燕燕坡詩詩人老去鶯鶯在公子歸來燕燕忙張祐妾名燕燕

劉禹錫擬四愁詩禹錫有妾甚麗李逢吉強取之禹錫

有妾擬作四愁詩內警句云得意紫鸞休舞鏡能言青鳥罷啣牋金盆已覆難收水玉軫長拋不續絃○買笑樹邊花已老畫眉窗下月猶殘○三山不見海沉沉豈有仙蹤更可尋青鳥去時雲路斷姮娥歸處月宮深紗窗遙想春相憶書幌誰憐夜獨吟料得夜來天上月只

應偏照兩人心本事詩

黃鸝啼別韓滉鎮浙西戎昱爲部內刺史有官妓善歌

色亦閒妙滉聞召至籍中昱詞送之云送客春風湖上亭柳條藤蔓繫人情黃鸝久住渾相識欲別頻啼四五聲妓至首歌此詞滉卽歸之

青娥趙嘏浙人有美妾洎計偕母不許携行會上元節爲鶴林之遊帥見之掩爲已有明年嘏歸以詩感之曰寂寞堂前日又曛陽臺去作不歸雲當時聞作沙吒利今日青娥屬史君帥聞之乃遣還古今詩話

轉春鶯王晉卿貶均州姬侍盡逐有一歌者號轉春鶯色藝兩絕不知流落何許二年内徙道過許昌市旁小樓聞泣聲音卿問乃轉春鶯也恨不可復得因賦一聯

佳人已屬沙吒利義士今無古押衙客有足成章云幾年流落向天涯萬里歸來兩鬢華翠袖香殘空挹淚青樓雲渺定誰家○回首音塵兩沉絕春鶯休轉心園花

西清詩話

杜秋娘李錡叛有妾杜秋娘没入宮後又放歸杜牧感而作詩有云椒壁懸綿幕鏡奩蟠玉螭月上白壁門桂影浮參差金階玉露重閒把紫簫吹燕媒得皇子夫人親捧持虎睛珠絡祿金盤犀鎮帷國史補

崔徽崔徽河中娼也裴敬中以興元幕使河中與徽相從累月敬中歸情懷怨抑後東川幕白知退歸徽乃寫真奉書謂知退曰為妾謂敬中崔徽一旦不及卷中人且為郎死矣元稹為作歌元集

薛濤蜀妓也元徽之寄詩云錦江膩滑峨眉秀幻出文君與薛濤

書仙長安中有娼女曹文姬尤工翰墨為關中第一時號為書仙有任生者投之詩曰玉皇前殿掌書仙一染塵心下九天莫怪濃香薰骨膩雲衣曾惹御爐煙麗情集

御史娘國樂婦人有永新婦御史娘柳青娘皆一時之妙也有與御史娘詩曰天下能歌御史娘花前月底奉君王九重深處無人見獨把新聲傳順郎桂苑叢集

誦靈光殿賦蜀劉琰侍婢十人悉讀書能誦魯靈光殿賦蜀志

徐月英江淮間娼徐月英送人詩曰惆悵人間萬事違兩人同去一人歸生憎平望池亭水忍照鴛鴦兩背飛

○枕前淚與階前雨隔箇窻兒滴到明詞多不盡北窻瑣言

却要觀察使李庚之女奴名却要美容止善辭令李有

四子皆欲烝之而不得遇清明中堂弓月四子各在一

處待之長子遇於櫻桃花影中却要詒之曰可於東南

隅相待少頃却要燃密炬豁扉照之曰阿堵貧兒爭敢

向這裏宿四子掩面各走

閩妓詩閩中有一妓能詩有絕句與陳夢和云夢和殘

月過樓西月過樓西夢已迷喚起一聲腸斷處落花枝

上鷓鴣啼夷堅志

琴客顧况有宜城訪琴客詩序曰琴客宜城之愛妾也

宜城請老而愛妾出嫁不禁人之欲達者也麗情集

小桃陳述古有小妓荅詩曰小桃破萼未勝春不見方

中第一人聞道使君歸去後舞衫歌扇總生塵坡詩

雪中觀妓詩曹元寵母王氏能詩有雪中觀妓詩云梁

王宴罷下瑤臺窄窄紅靴步雪來恰似陽春三月暮楊

花飛處牡丹開湘江詩話

青青會稽翟素遭賊欲犯之臨以白刃素婢名青青乞

代素賊殺素後欲犯青青青青不許復殺之列女傳

平康三曲平康里京師妓坊也有三曲錚錚者多在南

曲北里志

賈愛卿韓魏公帥陝西李師中過之為官妓賈愛卿賦

詩曰願得貔貅十萬兵犬羊巢穴一時平功成不用封

侯印只問君王乞愛卿后山詩話

楊臺柳文潞公知成都喜行樂有飛語至京師御史何

郊字聖徒蜀人告歸上遣察之李少愚謂公曰無足念慮因迎謁聖徒於漢州同郡會有妓善舞聖徒喜之問其姓曰楊聖徒曰所謂楊臺柳者少愚取妓帕題詩曰蜀國佳人號細腰東臺御史惜妖嬈從今喚作楊臺柳舞盡春風萬萬條命其妓歌之數日聖徒至成都頗嚴重潞公一日宴聖徒迎其妓雜府妓中歌其詞以酌聖徒聖徒每爲之醉事與陶穀使江南相類聞見

秦弱蘭陶穀奉使江南留寫六朝實錄每進見嚴冷下視江左韓熙載曰五柳公雖若端整其守可隳乃命妓秦弱蘭衣弊衣爲驛卒之女每日擁帚掃地陶微見悅之詢其故荅曰妾守驛者之女也久喪夫歸托父母陶因與狎因與一詞名風光好云好因緣惡因緣祇得郵

亭一夜眠別神仙琵琶撥盡相思調知音少待得鸞膠續斷絃是何年數日李主開宴令弱蘭歌此詞陶大沮即日北歸

不好聲色王安石知制誥吳夫人爲買一妾荆公見之曰何物女子曰夫人令執事左右曰汝誰氏曰妾之夫爲軍大將部米綱運失舟家貲沒猶不足又賣妾以償公愀然曰夫人用錢幾何得汝曰九十萬公呼其夫令爲夫婦如初盡以錢賜之○司馬溫公從龐公辟爲大原府通判尚未有子夫人爲買一妾公殊不顧夫人疑有所忌也一日教其妾俟我出汝自飾至書院冀公一顧也妾如其言公訝曰夫人出安得至此亟遣之穎公知之對寮友咨其賢荆公溫公不好聲色如此

美人

南威晉文公得南威三日不聽朝遂推南威遠之曰後世由我故必以色亡國戰國策

夷光脩明越謀滅吳以美女夷光脩明貢於吳吳處以珠幌若雙鸞之在煙霧中

金屋貯阿嬌漢武帝幼時景帝問兒欲得婦否時長公主指其女曰阿嬌好否武帝曰好若得阿嬌作金屋貯之漢武故事

玉卮娘有書生遇神女見胡僧指曰此西王母第三女號玉卮娘幽怪

王昭君漢元帝使畫工圖後官案圖召幸宮人皆賂畫工獨王嬙不肯遂不得見後匈奴入朝求美人以昭君

行召見貌為後宮第一帝重信於外國不復更乃窮案

畫工毛延壽陳敞劉白樊育同日棄市西京雜記○後漢匈

奴傳云王嬙夔郡人入掖庭數歲不得見時呼韓邪入

朝帝敕以宮女五人賜之昭君積悲怨乃請行呼韓辭

帝召五女視之帝見嬙大驚欲留之而難於失信遂與

匈奴昭君明妃皆號

雪體無軫粟飛燕初居貧與妹合德共被嘗通鄰人羽

林射鵰者夜露雪立閉息順氣體無軫粟射鵰者以為

神仙

溫柔鄉馮萬金善歌世事江都王王孫女嫁江都趙曼萬金又事曼因與主通曼有疾不能近婦人主有身恐乃稱疾一產二女歸於萬金長曰宜主次曰合德冒姓

趙氏宜主聰敏家有彭祖方脉之書善行氣微長而纖
膩舉止翩然謂之飛燕合德膚滑出浴不濡善歌此絕
色也俱選入宮合德新沐膏九迴沉水香為卷髮號新
興髻為薄眉號遠山黛施小朱號慵來粧左右嘖嘖嗟
賞帝謂合德為溫柔鄉曰吾老是鄉矣不能效武帝求
白雲鄉也

唾花飛燕與其妹坐后誤唾其袖合德曰姊唾染人紺
碧正似石上花令尚方為之未必能此乃號石華廣袖

並趙后
外傳

遠山眉芙蓉臉文君卓王孫之女眉色似遠山臉際常
若芙蓉十七而寡放誕風流故悅長卿之才而越禮焉

西京
雜記

祈禱欲有子成帝時慶安世年十五善鼓琴為侍郎能

為雙鳳離鸞之曲趙后悅之白上得出入御內與后同

居處而終無子后常託以祈禱則開一室自左右莫得

至上亦不得至焉以駟車載輕薄少年入宮以十數而

卒無子西京雜記○成帝病陰弱得外國慎恤膠每一丸幸

一夕婕妤進七丸帝居九成帳笑吃吃不絕抵明精流

不止遂崩飛燕外傳

夜來針神魏文帝美人薛靈芸初別父母淚下紅色至

京凝如血色帝改名夜來好於針工處深帷不用燭裁

製立成雞跖集

玉奴蓮步齊東昏侯有美人潘妃名玉奴東昏鑿金為

蓮花以帖地令潘妃行其上曰步步生蓮花南史王茂

續石書堂 卷之十七 九 前
傳云齊亡王茂請妻之玉奴守節而死故坡詩月地雲
階謾一樽玉奴終不負東昏

閣陳後主自居臨春閣張貴妃居結綺閣龔孔二貴
妃居望仙閣並複道往來張貴妃髮長七尺其光可鑑
瞻視光采溢目嘗於閣上靚粧臨檻宮中遙望飄若神
仙分紀

蔓金苔晉元帝外國人進蔓金苔宮人有被幸以苔賜
之光照一室又名夜明苔拾遺

來夢兒隋煬帝欲揉動勞頓方就一夢侍兒韓浚兒每
就枕必令振動肢體帝常得美睡帝呼為來夢兒出南郡煙

半面粧花錄梁元帝徐妃不見禮以帝眇一目每知帝將至

必為半面粧以俟帝帝見大怒而出職林

十眉明皇幸蜀令畫工作十眉圖橫雲斜月皆其眉名

注坡詩

脂粉施顏色楊妃女兒封為號國夫人姿容極白時杜
詩曰號國夫人承主恩平明上馬入朝門却嫌脂粉施
顏色淡掃蛾眉朝至尊

月地雲階牛僧孺不第夜行伊闕入薄太后廟引僧孺
宿有楊妃潘貴妃戚夫人王嬙綠珠來各賦詩僧孺詩
曰香風引到大羅仙月地雲階拜洞天共道人間惆悵
事不知今夕是何年明日出方知是廟周秦行紀

記曲娘張紅紅善歌舞每聽新聲一遍即記節奏入宮

號記曲娘樂府

秋水真宗宴近臣語及莊子忽命呼秋水至則綠衣翠

鬟小女童也誦秋水篇聞者駭異雜志

步搖堯舜以銅為笄舜加首飾雜以象牙玳瑁為之文

王髻上加珠翠翹花傳之鉛粉其高髻名鳳髻加之步

步而搖故以步搖名之又釋名云首飾副其上有垂珠

步則搖也東皇后記

飄輕裾翳長袖曲眉豐頰清聲而使體秀外而惠中飄

輕裾而翳長袖粉白黛綠者列屋而間居妬寵而負恃

爭妍而取憐大丈夫之遇知也韓送李愿序

詩綠樹鶯啼春夢覺樓外雞人唱清曉深紅淺白競東

風為憐滿眼枝枝好○舞袖何年絡臂韝蛛絲網斷玉

搔頭羊車一去空餘竹紈扇相看不到秋○咬綃淚滴

鴛鴦冷月上欄干照孤影躑躅開花過粉墻轆轤汲水

敲金井○妾意長如鳳管寒君恩不學縷衣寬漢家公

主歌黃鵠猶有琵琶馬上彈李漢老宮詞雨滴梧桐秋夜長

愁心和淚到昭陽淚痕不學君恩斷拭却千行更萬行

劉奴兩鬢如鴉指如笋天生玉顏不着粉臨春迥覺春光

輝照溪添入溪光嫩顏如冰玉操雪霜無人得贈雙明

璫自是臨流拾翠羽不勞騎馬傍垂楊王性之月姊曾逢

下彩簷傾城消息隔重簾已聞珮響知腰細更辨絃聲

覺指纖○輕寒衣省夜金斗熨沉香李義山小槽橫捧梳

粧薄綠羅緩帶仍斜搭日烘花底光似潑嬌鶯得暖歌

唇滑玉容嬌困撥仍插雪裏一枝初破臘惠洪蘭缸如何

買不眠玉爐夜起沉香煙青娥一行十二仙欲笑不笑

桃花燃碧窻弄嬌梳洗晚戶外不知銀漢轉被郎嗔罰

琉璃盞酒入四肢紅玉軟施肩吾娉娉裊裊十三餘荳蔻

梢頭二月初春風十里揚州過捲上珠簾揔不如杜斜

倚繡牀愁不語紅綃帶緩綠鬟低遼陽春盡無消息夜

合花前日又西○粧成每被秋娘妬一曲紅綃不知數

鈿頭雲篦擊節碎血色羅裙翻酒污並白居易裙拖六幅瀟

湘水髻染巫山一朵雲貌態只應天上有歌聲豈合世

間聞李羣玉蘭膏新沐雲鬟滑寶釵斜墜青絲髮蟬鬢尚

隨雲勢動素衣猶帶月光來任氏紅玉枕高冰簟滑凝

煙曼水春雲闊重重翠被紅雲錦枕肱不枕相思枕真真

歌宛轉雙翹鳳釵舉飄飄翠雲輕楚楚映燭看花未敢

前低鬟向人嬌不語李神公娉婷十五勝天仙白日嫦娥

旱地蓮何處閒教鸚鵡語碧紗窻下繡牀前○滿面胡

沙滿口風眉銷殘黛臉銷紅愁苦辛勤憔悴盡如今却

似畫圖中並白樂天高髻雲鬟宮樣粧春風一曲杜韋娘司

空見慣渾閒事斷盡蘇州刺史腸韋應物鏤月為歌扇裁

雲作舞衣自憐回雪態好取月中歸李太甫雙頰凝酥髮

抹漆眼光入簾珠的皪吳音嬌軟帶兒癡多少閒愁揔

未知自古佳人真命薄閉門春盡楊花飛東坡姑山半峰

雪瑤水一池蓮晚院花留立春窻月伴眠樂天菱花烟烟

垂鸞結爛學宮粧勻膩雪風吹涼鬢影蕭蕭一抹踈雲

對斜月劉美中飛花成陣春心困寸寸別腸多少添愁悶

無人問偷啼自搵殘粧粉抱瑤琴尋幽韻玉纖趁南風

解慍低雲鬢眉峰斂黛嬌和恨○公家列屋閒蛾眉珠

簾不動花陰移露帳銀牀初破睡牙籤玉局坐圍碁○

東坡六

憶行

屏障腰肢出洞房宮花罕地領巾長羅裙

遮定雙鴛小只有金蓮步步香**憶書**織玉參差象管輕

蜀牋小硯碧窻明袖紗密映嗔郎看學寫鴛鴦字未成

憶飲

綠蟻頻斟不厭多帕羅輕軟襯金荷從教弄酒春

衫浣別有風流上眼波**憶歌**一串紅牙碎玉敲碧雲無

力駐春宵也知唱到關情處緩按餘聲眼色招**憶眠**泥

嬌成困日初長暫卸紗裙小簾涼漠漠帳煙籠午枕粉

肌生汗白蓮香**憶粧**宮樣梳兒翠縷犀釵梁冰玉刻蛟

螭粧成要點雙心字不管簫官只畫眉○春雲陰陰雪

欲落東風和冷驚羅幙漸看遠水綠生漪未放小桃紅

入萼佳人瘦盡雪膚肌眉斂春山知為誰深院無人剪

刀響應裁白苧作春衣○垂柳陰陰日初永蔗漿酪粉

金盤冷簾幕低垂紫燕忙蜜脾已滿黃蜂靜高樓睡起

翠眉顰枕破斜紅未肯勻玉腕半揮雲岫碧樓前知有

斷腸人○新愁舊恨眉生綠粉汗餘香在蘄竹象牀素

手熨寒衣爍爍風燈動華屋夜香燒罷掩重局香霧空

濛月滿庭抱琴轉軸無人見門外空聞裂帛聲霜葉蕭

蕭鳴屋角黃昏陡覺羅裳薄夜風搖動鎮帷屏酒醒夢

回聞雪落起來呵手畫雙鴉醉臉輕雲襯曉霞真態生

香誰畫得玉奴纖手嗅梅花東坡四一聲啼鳥禁門靜

滿地花陰春書長王文玉釵半脫雲垂耳亭亭芙蓉在

秋水東坡嬋娟兩鬢秋蟬翼宛轉雙蛾遠山色○綠水紅

蓮一朶開千花萬草無顏色○桑條初綠與郎別柳葉

半紅猶未歸。飄飄舞袖雙飛蝶。宛轉歌喉一索珠。白並

樂天剥葱十指轉籌疾。舞柳細腰隨拍輕。粉臂半捲凝

晴畫。醉眼偷回小樣刀。並方宇滿額鵝黃金縷衣。翠翹浮

動玉釵垂。裴餘慶蛟蝶雙飛芍藥叢。鴛鴦對浴芙蓉水。真

歌寶髻巧粧金翡翠。羅裙宜着繡鴛鴦。章孝標舞袖低回

真蛟蝶。朱唇深淺綴櫻桃。方宇楚金感袖春衫薄。蜀錦攢

花細帶長。法振平陽撫背穿馳道。銅雀分香下壁門。閒

吹玉殿。昭陽笛醉折梨園。縹帶花。並杜牧撚絃花下呈新

曲。放撥君前謝改名。夢得景陽春暖無人報。太液秋深有

鴈來。吳融衣飄荳蔻減濃香。臉射芙蓉失嬌色。霍小玉歌連理

枝前同結舌。丁香花下共論心。韓襄粧成落日捲簾坐。小

玉焚香羅帳深。李惟孔雀羅衫窄窄裁。珠襦微露鳳頭鞋。

石曼卿君恩秋後葉。日日向人疎。高蟾掃黛開宮額。裁裙約

楚腰。李義山秀色似堪食穠華。如可掬。樂天陰井生秋早。明

河澈曙遲。惠崇難消守宮血。易折舞腰腸。錢惟演芙蓉初出

水。桃李揔無言。尉遲正出戶一囊麝。見人雙眼波。

錦繡萬花谷前集卷之十七

錦繡萬花谷前集卷之十八

婚姻

齊麴

周禮地官媒氏

媒謀也謀合異類使和成者今齊人民麴姓曰媒是也

婉婉

女子十年不出姆教婉婉聽從執麻臬治絲繭

謂

言語也婉謂媚容也出記內則

招招舟子

匏有苦葉詩云招招舟子人涉卬不

招招號

舟子舟人主濟渡者舟人之子號召當渡者猶媒人之會男女使為匹配也

宋子河魴

詩云豈其娶妻必宋之子豈其食魚必河之

魴

七梅三梅

標有梅其實七兮標有梅其實三兮求我庶

事迨其今兮

落梅在樹者三嫁娶急

三星

詩綢繆束薪三星在天主男女時禮而成若薪待

人而後束三星在天所以嫁娶箋云三星謂心星有夫婦之象故嫁娶取以為候焉出唐國風

白狐九尾禹年三十未娶行塗山有白狐九尾造禹塗山人歌曰綏綏白狐九尾龐龐成子家室乃都攸昌禹遂娶之呂氏春秋

浩浩育育齊桓公使管仲求甯戚戚應之曰浩浩乎育育乎管仲不知婢子曰詩有之浩浩者水育育者魚未有室家安召我居水魚喻人配偶甯戚有位

八世之後莫與京懿氏卜妻陳敬仲其妻占之是謂鳳凰于飛和鳴鏘鏘有媯之後將育于姜五世其昌并于正卿八世之後莫之與京京大也左傳

賢夫張耳游外黃外黃富人女甚美嫁其夫庸女去抵

父客素知張耳賢乃謂女曰必欲求賢夫從張耳女聽嫁張耳史記

九子墨鄭衆言婚禮有合歡鈴九子墨鈴取音聲和諧墨取長生子孫通典

鳳求凰司馬相如琴心挑文君歌曰鳳兮鳳兮歸故鄉遨遊四海求其凰又云鳳兮鳳兮從我栖得托字尾兮永為妃玉臺新詠

竹筥練裙後漢逸民戴良有五女踈裳布被竹筥木履而遣之故東坡詩云竹筥與練裙隨時早婚嫁

玄纁加璧加羊晉志婚姻禮納徵王侯玄纁束帛加璧乘馬大夫玄纁束帛加羊天子加穀圭諸侯加大璋羊者祥也有羊漢末始也晉志

禁鬻晉武帝為晉陵公主求婚謂王詢曰如真長子敬便足詢曰謝鯤不及真長不減子敬未幾帝崩袁松欲以女妻之詢曰卿莫近禁鬻本傳

玉鏡臺溫嶠姑有女甚麗姑囑之嶠曰佳婿難得如嶠比如何曰何敢希汝比數日白姑已得婿身盡不減嶠因下玉鏡臺一枚姑大悅既婚交禮女以手披紗扇撫掌大笑曰吾固疑是老奴果然世說

快婿後魏劉昺少依博士郭瑀學有女求婚偶有心於昺遂設一席召諸子弟曰吾有一女欲求一快女婿誰當坐此席者昺奮衣來坐曰昺其人也遂妻之北史

剪刀為聘南史江祐求范雲女為婚因酒酣巾箱中取剪刀與雲曰且以為聘雲笑而受之至祐貴雲曰昔與

與將軍為黃鵠將軍今化為鳳凰荆布之室理隔華盛因出剪刀還之祐更姻他族及祐敗妻子流離本傳

烏羊為禮南史孔淳之與王敬弘為方外之遊又申以婚姻敬弘以女適淳之子遂以烏羊繫所乘車轅提壺為禮至於盡歡共飲迄暮而歸或怪其如此荅曰固亦農夫田父之禮也隱逸傳

武秋之後沈約彈王源為婚滿璋璋庶人其祖滿奮字武秋東晉之朝無聞其子孫文選

同系為婚晉劉頌嫁女於陳矯矯本劉氏子與頌近親出養於姑改姓陳劉友譏之曰妣盧陳田本同根系而世皆為婚禮律不禁頌傳

禹別之州劉曄未第時娶趙晃長女早亡有二妹復欲

妻之擘曰若是武有之德不敢為姻如言禹別之州庶可從命蓋不欲七姨欲九姨故也夫人曰諺云薄餅從上揭劉郎及第豈得便揀點人家之女擘曰非敢有擇但七姨骨相寒薄遂娶九姨生七子皆大官青箱雜記

坦腹東牀

郝鑒使門生求女婿於王導導令就東牀遍觀子弟門生歸謂鑒曰王氏諸少並佳然聞信至咸自矜惟一人在東牀坦腹獨若不聞鑒曰此正佳婿及訪之乃羲之也遂以女妻之後為右軍

射孔雀目唐高祖竇皇后父毅嘗謂妻曰此女有奇相何可妄與人因畫二孔雀於屏間請婚者射二矢陰約中目則得之射者閱數十皆不合高祖最後射中各一目遂歸之帝后傳

女坐塔鞍不經劉岳刪定鄭餘慶書儀又以當時傳習所見有親迎女坐塔鞍之類尤為不經岳傳

牽絲得妻唐郭元振少美宰相張嘉貞欲納為婿曰吾五女各有姿色令各持一絲幔前使子取便牽之得者為婦元振牽得一紅絲得第三女天寶遺事

盧舅善筮後盧李二生隱太白山習吐納李生不甘貧浪迹江湖後於揚州逢盧生昔號二舅以馬來迎朱門斜開侍婢數百人一女子佐酒善筮筮容色極佳上有朱字一行雲中辨江樹天際識歸舟燕罷曰莫願作姻否其年汴州陸長源以女妻之宛類盧舅善筮筮者李具言舊事女曰少年時因兄弟戲乃作夢入仙宮如公所言

盧肇遺史

碧鸛雀唐裴寬為潤州叅軍刺史韋詵有女擇所宜歸登樓見人於後圃有所瘞藏訪諸吏曰叅軍裴寬居也詵問狀荅曰適有人以鹿為餉不敢自欺故瘞之詵歎異乃引為按察判官許妻以女歸語妻曰嘗求佳婿今得矣明日會其族使觀之寬時衣碧瘠而長既入族人皆笑呼為碧鸛雀詵曰愛其女必以為賢公侯妻也何以貌求人卒妻寬本傳

飄葉題詩唐侯繼圖微時方倚檻於大慈寺樓忽有木葉飄然而下有詩曰淺拭翠娥悲為鬱心中事搦管下庭除書成相思字後貯巾篋五六年與任氏為姻常念此詩任氏曰此是某作在左綿時書此爭得至此如今書辨之無異玉溪編事

文書衒袖唐處士侯高將嫁其女曰吾一女憐之必嫁官人不以與凡子王適懷竒負氣曰吾求婦久矣聞此翁可人意且聞其女賢謾謂媒媪曰吾明經及第即官人侯翁女幸嫁若能令侯公許我即進百金媪諾公曰誠官人即取文書來適計窮吐實媪曰無苦我祇得一卷書粗若告身者我袖以往公未必取視公望見文書衒袖果信不疑曰足矣以女適王氏韓王適碑

華陽洞仙姻南昌蕭防得第為句容簿縣有三茅宮九錫亭瑞芝館碧柰澗防遍遊之至玉晨觀有青童請至大門金書牌曰華陽洞又至一門曰藥珠殿有一人紫袍稱東方大夫名朔為華陽洞主謂曰公之遠祖蕭史真人鸞董雙成與公為婦扶持者雲英夫人秉扇者吳

綵鸞許飛瓊接引者梁玉清衛承莊姮娥結髮麻姑合
盃中夜梁玉清衛承莊引防至藥珠殿禮後堂見一女
子乃舊曾見諸葛氏交拜梁玉清致辭曰華陽玉女聖
世才郎仙凡契合如鳳求凰今日相偶和鳴鏘鏘壽筭
天地慶衍無疆禮畢宴於藥珠殿曲終青童召改曰雙
成夫人請君暫起防避席恍若夢覺四顧已失藥珠殿
矣但見左右深林茂草尋玉晨觀歸縣已半山防遂休
官入山 雲堂廣記

立冰為媒 令狐策夢立冰上與冰下人語問索統統曰
冰上為陽冰下為陰陰陽事也士如歸妻迨冰未泮婚
姻事也君當為人作媒冰泮而成婚果然 晉志

赤繩婚牘 唐韋固求婚次宋城南店中見老人倚布囊

而坐向月檢書覘之不識其字問之老人曰天下婚牘
耳固喜曰吾欲娶人有以潘昉女為議者可以成乎曰
未也君之婦適三歲因問囊中何物曰赤繩耳以繫其
夫妻之足君之足以繫於彼矣他求何益 續玄怪錄

雙石 婚禮有九子蒲朱葦雙石蒲葦取其心可屈伸雙
義在兩固

青廬 北方婚禮用青布幔為屋謂之青廬於此交拜行
禮 並酉陽雜俎

得婿如龍 楚國先賢傳孫雋文英與李元禮俱娶太尉
桓玄之女人謂桓叔元兩女乘龍言得婿如龍老杜詩
云門闌多喜色女婿近乘龍宋景文公云承家男得鳳
擇婿女乘龍皆謂此 潘子真詩話

種玉得婦 楊雍伯嘗設漿給行旅一日有人飲訖懷中取石子一升與之曰種此生美玉并得好婦如言種之有徐氏女極美求之徐公曰得白璧一雙即可乃於所種得璧遂娶之按神記又仙傳拾遺楊雍伯事親孝葬父母水神感之泉出墓側有飲馬者以白石一升與之令種生美玉一日有青童引至海山仙人曰汝孝於親當夫婦皆仙後徐氏有女以白璧成婚數年夫婦俱升天

太平廣記

監中擇壻 晏元獻判南京范希文以大理寺丞丁母憂權掌西監一日晏謂范曰吾一女及笄君為我擇壻范曰監中有二舉子富臯張為善並可壻也晏曰然則孰優范曰富脩謹張踈俊晏即取富臯為壻後改名即富

鄭公也為善後亦更名方平 筆錄

羅幃 范文正公之子純仁娶婦婦將歸或傳以羅為幃慢者公聞之不悅曰吾家素清儉安得亂吾家法持至當火于庭 遺事

戚里 盛度錢惟演責詞云三星所構多戚里之家百兩所迎皆權要之地蓋惟演之姑嫁劉氏而其子娶

丁謂也 東坡志林

女嫁三日餉食為饌 宋景文公納子婦三日子以婦家

饋食物書白即曰書錯一字姑報之子扣其錯以筆塗

暖字子扣當用何字父之怒聲曰從食從而從大子退

檢字書博雅中出餽字 注云女嫁三日餉食為餽邵氏後錄

岳公 歐陽永叔嘗云今人呼妻父為岳公以太山有丈

人峰又呼妻母為泰水不知出何書也

撫遺

甥舅真冰玉蘇陳甥舅真冰玉

甥謂婿舅謂婦翁爾雅曰謂我舅者吾謂之甥

孟子曰帝館甥於二室婦翁冰清女婿玉潤故云坡詩

冰叟東坡生日子由婿王郎以詩賀坡和云竭來冰叟

來遊宦衛玠妻父樂廣有重名時謂婦翁冰清故云

紅纏酒缸誠堪婿阿巽買紅纏酒缸山谷欲與子瞻子邁伯達為婚今人

定婚多以紅絲纏酒缸山谷詩

教相里兒讀書杜祁公衍少時客濟陽縣縣令厚遇之

令與大姓相里氏議婚相里兄弟二人其兄尤之弟曰

杜君令之重客其可違兄悵然曰姑從之俾教諸兒讀

書耳祁公未成婚登第相里之兄厚資往見公曰婚議

已定其敢違但某既出仕憂門下無教兒讀書者相里

兄大慚以歸聞見錄

大姨夫小姨夫歐公與王拱辰同為薛簡肅公子婿文

忠公先娶長王拱辰娶其次後文忠再娶其妹故文忠

有舊女婿為新女婿大姨夫作小姨夫之戲邵氏

嫁女娶婦安定胡先生遺訓嫁女必須勝吾家娶婦必

須不若吾家或問其故曰嫁勝吾家則女之事人必欽

戒娶婦不若吾家則事舅姑必執婦道曾致滌記

四六鳴鳳其昌已篤陳卿之舊同車彼美不遑鄭忽之

嫌疊煩信紹申篤嘉盟煥然純白之儀寵以問名之禮

蘿施松柏世方昌而莫與京桃報瓊瑤物雖薄而用可

重誤蒙重言委貺嘉幣維茲息女近若而人屈元禮之

高明及承阿之小醜著姓多有顧衰宗之眇然懿親不

忘維伯氏之好也。○協比其鄰，願為有室，種成雙玉，親結五絲，得人實邁於南容，修睦有叨於東武。○和鳴雖協於鳳，占定禮尚稽於鴈幣，問名納綵，式存先後之儀。修詞立誠，允著再三之義。○是謂鳳凰之干飛，永為好也。實惟幣帛以將，意迨其吉，兮謂大倫之至重，諒前定之有由。是何宋子之求俯，誤阿承之擇憂，人以德無言，不酬拜命之嘉願，珍藏於十襲，匪報為好，實有愧於雙南。○烏絲欄之華幅，錦繡段之美貽，織女渡河，徒慶七襄之念，藍橋携杵，佇觀百兩之來。○名實缺然，門地最爾，雖江湖橘柚之域，遠京洛衣冠之遊，顧嘗同僚，辱貺重禮，藐是孫女，逮于縱筭，某人簪笏自於懷，芻芝蘭秀於庭，戶卜相宗事，當求大家猥得附葭，葦之親，恐未勝

灑掃之職，申以盟好，不遑延遷，勉輒拜嘉，對越將命，山谷欽仰風流，惟是婚姻之故，講脩世睦，敢申嫵婉之求，某才不及中學，未聞道猥，叨命士方，且異宮惟節，春秋莫助蘋藻，伏承某人教承端緒，德盛幽閒，安聽行媒之傳，豈顧鄙宗之陋，謹叅穀旦躬俟玉音，山谷

孕育

虹流華渚 河圖云大星如虹下流華渚女節感而生少

昊 初學記

雷繞斗樞 少典氏取附寶見大電光繞斗樞星照郊野

感附寶孕二十月生黃帝於壽丘

瑤光貫月 昌意正妃女樞瑤光之星貫月如虹感女媧

生顓帝

續石書堂 卷之十八 九 前

觀河感龍 堯母慶都觀河遇赤龍感而生堯帝並帝王世說

握袞舜龍 顏大口手握袞字手中有袞文孝經緯

流星貫昴 脩已見流星貫昴又吞神珠已而生大禹

白氣貫月 主癸之妃內扶都見白氣貫月意感以乙日

生湯故字帝乙並帝王世說

狼星之精 成湯母感狼星之精又感黑龍而成

玉雞啣珠 漢高母池浴見玉雞啣赤珠石名玉英吞之

有孕生高祖並金櫻子

赤龍神女 漢景帝坐崇方閣上有丹霞起赤龍盤棟間

使王夫人居之改崇方閣為猗蘭殿旬日景帝夢神女

捧日以授王夫人夫人吞之十四月而生武帝漢武內傳

甲館畫堂 漢元帝元后生成帝於甲館畫堂為世適皇

孫宣帝愛之漢書

堯母門 武帝鈎弋趙婕妤生昭帝妊十四月乃生上曰

聞堯十四月而生鈎弋亦然乃命其所生門曰堯母門

外戚傳

五麟七鳳 光武生赤光照室影如五麟七鳳望氣者見

春陵城郭曰佳哉鬱鬱葱葱金櫻子

青雲如車 魏文帝生有青雲如車蓋其上望氣者以為

貴證非人臣氣魏志

日精 劉元海父劉豹妻祈子於龍門有大魚二角躍鱗

而去其夜夢所見魚變為人把一物授其妻曰此是日

精服之生貴子自是十三月生元海載書

遺龜 陳武帝章后嘗遇道士以小龜遺之光彩五色及

續石言堂 卷之二十八 南史

期后生紫光照室因失龜所在南史

吞菖蒲花 梁武帝母張后方孕忽見庭前菖蒲花光彩

非常侍者皆不見后曰嘗聞見菖蒲花者當富貴因取

吞之當日生武帝南史

虹光燭室 後唐太祖在妊十三月生是時虹光燭室白

氣充庭井水暴溢北窓瑣言

西土樹神 睿宗宮人初生贈太子撫武后以母賤欲不

齒以示浮屠萬回萬回詭曰此西土樹神宜兄弟后喜

乃止本傳

夢神入脅 肅宗在東宮時張后忽寢厭不寤太子問之

曰夢神降我介而劍決我脅而入殆不能堪燭至其文

隱然遂生代宗后妃傳

煇鼎三覆 明皇在東宮時太平公主忌帝蕭良娣有妊

帝不自安密語張說曰用事者不欲吾多子奈何命說

挾劑以入帝於曲室自煇之夢若有介而戈者環鼎三

而三煇盡覆以告說說曰天命也乃止生肅宗

腸遶吳門 孫堅母妊堅夢腸出遶吳閭門寢而懼告鄰

母曰安知非吉證也遂生堅吳紀注

深愧無功 南唐時宮中嘗賜洗兒果有近臣謝表云猥

蒙寵數深愧無功李主曰此事卿安得有功坡賀洗兒

詞曰犀錢玉果利市平分霑四坐深愧無功此事如何

得到儂茗溪詩話

無功 元帝生子普賜羣臣殷羨謝曰臣無功猥蒙頒賚

中宗笑曰此事豈可使卿有勳世說

中宗笑曰此事豈可使卿有勳世說

續石言堂

靈芝四十二葉 仁宗誕降郭后榻下生靈芝四十二葉
後仁宗饗國四十二年其瑞應云 邵氏錄

五星降庭 孔子生之夜有二龍自天而下有二神女擎

香露于空中沐浴徵在有五老列於庭則五星之精也
先是有麟吐玉書於闕里人家云水精之子系衰周而

素王故二龍並下遶室五星降庭徵在以繡紱系麟角
及夫子將絕抱麟解紱而往 王子年拾遺

乘鹿入胎 老子乘白鹿入母胎既生廣顙大目踈齒方
口耳有三門鼻有雙柱足蹈五字手把十文 商云小說

神光照社 後漢應樞生四子見神光照社樞見光以問
卜者曰此天符也子孫其興乎乃探得黃金自是諸子

官學有名至瑒七世通顯 孝子傳

老公子無影 陳留有富翁年九十無子取田父女為婦

一交接便生得男大男謂其母曰我父年尊無父人道

一宿斯須何因有子女小家淫佚反欲汙我種類乎爭

財數年州郡不決丞相丙吉思惟良久言曾聞真人無

影老公子亦無影又不耐寒可共試之時八月取同年

小兒俱解裸之此兒獨啼言寒又並今日中行後獨無

影人咸服 風俗通記

赤光滿室 石勒生時赤光滿室白氣自天屬于庭 本傳

祈西門豹祠 符堅母苟氏祈子於西門豹祠其夜夢與

神交有孕生堅有神光自天燭其庭背有赤文隱起成

字曰草符臣 載記本傳

吞流星 桓玄温之孽子母馬氏嘗與同輩夜坐於月見

一流星墜銅盆水中忽如二寸火珠爛然明淨以瓢接取馬氏得而吞之遂有孕生玄晉傳

明珠射體翠雞五色西子母浣帛於溪有明珠射體感

而孕又夢有翠雞五色自空而下义之化為鸚飛去翰

名談

真英物桓玄生未甚温嶠見之曰此兒有英骨可試使

啼及聞其聲曰真英物也以其為嶠所賞故名之曰温

本傳

石榴房元魏安德王延宗納李祖收女為妃後帝幸李

宅宴而妃母薦二石榴於帝前人莫知其意祖收曰石

榴房多子王新婚其母欲子孫衆多也帝大悅收傳

并慶書唐太常少卿姜度誕子李林甫手書慶之有曰

聞有弄麀之喜客視之掩口職林

閔楮楊貴妃寵幸時謠曰男不封侯女作妃君看女却

作門楮楊妃外傳

卵生徐偃王徐君宮人有孕而生卵棄於水濱有犬顧

頡銜卵歸其母母腹暖之遂成兒宮人聞之乃取為已

子又東夷傳注云偃王有筋而無骨

夢蘭鄭文公父有賤妾燕姑夢天使與已蘭曰以是為

而子既而文公與之蘭而御之曰妾幸而有子敢徵蘭

乎左傳

范曄母如廁產曄額為博所傷故以博為小字

崔慎由鎮西川有異人曰君四十無子為公求之

終南翠微寺有僧絕粒五十年君遺以服玩受之則其

洞也果受之僧尋卒遂生子字曰緇郎即崔徵也

南都新書

白鵠聳雲吳時張承家有白鵠聳雲占者曰鵠是延年

之物從室入雲自卑升高之象當使子孫位極人臣名

擅江表若生子可以名曰鵠後承生昭至輔吳將軍

年拾遺記

虜脫上衣索充夢虜脫上衣索純曰虜去上男字也君

婦當生男果然

三美并集五代和現晉宰相和凝之子現生會凝入翰

林加金紫知貢舉凝喜曰我平生美事三者并集此子

宜於我矣且名曰三美 范蜀公蒙求

高其戶齊田嬰賤妾有子名文五月五日生嬰告其母

曰勿舉也其母竊舉之及長其母因兄弟而見其子嬰

怒曰吾令若去此子而敢生之何也文頓首因曰君所

以不舉五月子者何故嬰曰五月子者長與戶齊將不

利其父母文曰必受命於戶則又高其戶耳人誰至者

嬰曰子休矣後文為孟嘗君 本傳

胡廣生胡廣字伯始本姓黃以五月五日生惡之甕盛

棄江中胡公見收養為己子 世說

王鳳生王鳳以五月五日生父欲不舉曰俗諺曰舉五

月五日子長及戶則自害否則害父母其叔父曰昔田

文以此日生後為孟嘗君非不祥也 西京雜記

當有五丈夫商瞿年老無子其母為取室孔子使之齊

瞿女請之孔子曰無憂瞿年四十後當有五丈夫已而

果然 史記

道士授碁子李泰伯母初無子禱無所不至祥符二年
夢二道士奕碁戶外往觀之其一人取局之一子授焉
遂孕生泰伯本傳

渡河前裙北齊竇太母有娠期而不產大懼有巫云渡
河前裙必易生因至水所忽一人云當生貴子還家生
泰北史

浮磬之精高琳母嘗被襖泗濱見一石光彩可愛遂持
歸是夕夢人謂曰此浮磬之精若保之必生令子俄而
有孕生琳北史

楓生腹上唐張志和母夢楓生腹上遂生志和本傳
匹練升天後漢虞升初生有物若匹練上升於天占以
為吉後至太尉

夢鳳集身唐王知遠生母晝寢夢鳳集其身因有娠本傳

天人香爐陶弘景母夢兩天人手執香爐來至其所已
而有孕生弘景本傳又雲笈經云陶隱居初生母夢日精
在懷二天人手執金香爐降

靈鳳集身南史王曇逸母晝寢夢靈鳳集身因有娠又
聞腹中啼聲僧寶誌曰生子當為神仙宗伯雞邱集

禱輦山安祿山母禱子於輦山虜所謂鬪戰神者
既而姪及生有光照穹廬野獸盡鳴望氣者言其祥范
陽節度張仁愿遣搜欲殺之匿而免母以神所命遂字
輦犖隨母嫁虜將安延偃遂冒姓安歸國更名祿山遂
亂天下本傳

印綬登樓而歌魏張奐為武威太守妻方孕夢印綬登

樓而歌與占曰夫人生男復臨此郡必死官乎及生子
猛果為武威守自縊樓上

充閭賈充始生父達曰後當有充閭之慶故名充字公
閭本傳

易餅劉禹錫送張盥詩云爾生始懸弧我作坐上賓引
筋舉湯餅祝詞天麒麟本傳

五綵旗蓋梁任昉母晝卧夢五綵旗蓋四角懸鈴自天
而墜其一鈴落入懷中心悸因而有孕占曰必生才子
遂生昉本傳

夢長庚星李白欲生其母夢長庚星遂生白本傳

九鶴飛集張九齡母夢九鶴自天而下飛集于庭遂生
九齡九齡家傳

玉燕投懷張說母玉燕投懷遂生張說定命錄

白象入門第十祖脇尊者生時父夢白象背有寶坐上
有明珠入門乃生傳燈錄

鳩集庭樹唐王庭湊始生有鳩數十朝集庭樹暮宿簷
戶長駢脇歷居戎職值亂殺田洪正推為留後子孫相
繼藩鎮一百年唐年補錄

遇產范雲與梁武帝宿顧嵩之舍嵩妻方產有鬼在門
曰此中有王有相雲起曰王當仰屬相以見歸南史晉魏

舒嘗詣野王主人妻夜產俄而聞車馬聲相問曰男也
女也男十五以兵死寢者為誰曰魏公舒後十五歲問
所生兒曰因條桑斧傷而死舒自知當為公果然本傳

識之無字白居易生七月能展書因指之無兩字雖試

百數不差 本傳

七枝秀草 西域有七枝秀草若羅漢聖人生則此草生清淨之地第三祖和脩生時九枝秀草應時而生傳燈錄

懷玉山人 楊大年父文逸為唐玉山令大年將生一道士袖刺來謁自稱懷玉山人冠褐秀爽斯須遽失公遂生後三十七為學士晝寢於玉堂忽夢道士來謁稱懷玉山人故出一牒閱之寫三十七字大年驚曰得非數乎許添平道士命筆一點為四十七字至其數果卒玉壺

清話

玉筋食羹 邵康節母李氏其姑張氏遇之甚嚴一夕欲自盡夢神人令以玉筋食羹一杯告曰無自盡當生佳兒後生康節聞見錄

黑猿 後李夫人因山行於雲霞間見大黑猿有感遂孕臨蓐時慈烏滿庭人以為瑞是生康節七歲戲於庭蟻穴中別見天日雲氣往來也本傳

妻木瓜枯墮死胎女 邵康節母李夫人病瘦醫者投藥夫人夢坐堂門左右木瓜二株右者已枯父取藥令覆之及期生康節同墮死胎女後十餘年夫人病卧堂上見女子拜泣曰母不察庸醫以藥毒兒可恨夫人曰命也女子曰若命何兄獨生夫人曰汝兄獨生生乃命也女子泣涕而去又十餘年夫人再見女子來泣曰一為庸醫所誤二十年方得受生與母緣重故相別泣涕而去邵氏錄

黃鶴樓有光 王欽若父仲華侍祖郁官鄂渚欽若母有

孕值江水暴溢亟遷黃鶴樓始免身生公時隔岸漢陽人望樓上若有光景青箱記

武夷君化鶴楊大年初生母章氏夢羽人自言武夷君託化既生乃一鶴雛盡室驚駭棄之江叔父曰吾聞間世之人其生必異追視之則鶴脫而嬰兒具焉體尚有毳經月乃落詩序

鄧禹范祖禹母夢一丈夫被金甲至寢曰吾故漢將鄧禹也祖禹是日生公遂以名初學夢得温公以傳稱鄧禹仲華內文明篤行淳備改字淳或配以甫故字淳甫家傳

羅郎富獻簡公曰王荆公之生也有糴入其室俄失所在故小字糴郎

道士授黃龜梅聖俞生男前一日夢道士贈龜一枚聖俞和永叔洗兒詩云夜夢有人衣帔幌水邊授我黃龜兒明朝我婦忽在蓐乃生男子實秀眉聖俞集

綠衣小童相國王公丙申歲為譙幕值亡者數千戶公奏乞貸種粒牛糧懇訴甚切朝廷可之一夕次驛舍夢中有人召公出拜見一人紫綬象簡如牧守之儀遣一綠衣小童曰以汝有憂民之心上帝嘉之賜此童為宰相子授訖寤是夕夫人亦有祥兆而孕焉後果生一子慶之器格清粹談紫府間事祥符壬子歲謂所親曰上元夫人命我為玉童只為吾父未受相印受則吾去矣不數日公果正拜及踰月慶之卒湘山野錄

大蛇壓帳崇寧中大將劉法欲生其母幃帳忽墮壓而

下視之一大蛇蜿蜒母怖甚避之他所法生再視之但見蛇蛻耳其後法爲將有賢稱帥熙河童貫俾用老弱策應遂陷

邵氏錄

詩鬱葱佳氣夜充閭始見徐卿第二雛甚欲去爲湯餅客惟愁錯寫弄麀書參軍新婦賢相敵阿大中郎喜有餘我亦從來識英物試教啼看定相如

東坡

錦繡萬花谷前集卷之十八

